

حضرت عیسیٰ نا رومی گورنر پیلاطس نے سامنے پیش ہونا

23 ¹ فر اسرح ہویا کہ شرعی عدالت نے ساریاں لوکاں حضرت عیسیٰ کی رومی گورنر پیلاطس صاحب کول کھڑیا۔ ² انہاں حضرت عیسیٰ اپر الزام لاٹا شروع کیتے۔ انہاں آخیا، ”اساں تکیا اے کہ اے بندہ اسان نی قوم کی گمراہ کرنا اے۔ اے لوکاں کی آخٹا اے، رومی بادشاہ کی ٹیکس ناں دیو!“ تے اے گل وی آخٹا اے، ”میں اللہ تعالیٰ نا پہیجیا وا مسیح یعنی بادشاہ آن!“ ³ پیلاطس صاحب پُچھیا، ”کے تون بنی اسرائیلیاں نا بادشاہ این؟“ حضرت عیسیٰ جواب دتا، ”تساں آپ ہی پئے آخٹے او۔“ ⁴ فر پیلاطس صاحب بڑے مذہبی پیشوانواں تے سارے لوکاں کی آخیا، ”مکی تے اس بندے وچ کوئی غلطی نظر نی آئی!“ ⁵ پر لوکاں ہور وی زور ناں چیخی چیخی کے آخیا، ”اے پوری ریاست یہودیہ وچ لوکاں کی تعلیم

دیئی دیئی کے ورغلاٹا جاٹا اے! اے ہُن ریاست
گلیل تُوں کہنی کے اتھے تک پُہنچی آیا اے!“

حضرت عیسیٰ نا بادشاہ ہیرودیس نے سامنے پیش ہوٹا

6 اے گل سٹی کے پیلاطس صاحب پُچھیا، ”کے اے
بندہ ریاست گلیل تُوں آیا اے؟“ 7 جُوں ہی پیلاطس

صاحب کی پتہ لغا کہ حضرت عیسیٰ، بادشاہ

ہیرودیس نے علاقے نے ان، تے اُس اُنہاں کی اک دم

بادشاہ ہیرودیس در پہیجھی شوڑیا، کیٹانکہ بادشاہ

ہیرودیس وی اُس ویلے یروشلم شہر وچ ہی آئے سن۔

8 ہیرودیس حضرت عیسیٰ کی تکی کے بھوں خوش ہویا،

کیٹانکہ اُس حضرت عیسیٰ نے بارے وچ بھوں کجھ سٹیا

سی تے کافی عرصے تُوں اُنہاں کی ملٹا چاہٹا سی۔ اُس نا

دل آخٹا سی کہ حضرت عیسیٰ کی کوئی مُعجزہ کرنیاں

تکے۔ 9 اُس اُنہاں کولوں بھوں ساریاں گلاں پُچھیاں، پر

حضرت عیسیٰ اسی کوئی وی جواب نا دتا۔ 10 اتنے

وچ بڑے مذہبی پیشوانواں تے شریعت نے عالماں جیہڑے

اُنھے موجود سن، حضرت عیسیٰ نے خلاف بہوں زیادہ الزام لائے شروع کری شوڑے۔¹¹ بادشاہ پیرو دیس تے اُس نے سپاہیاں وی حضرت عیسیٰ نی بے عزتی کیتی تے اُنہاں نا مزاح اُڈایا۔ فر اُنہاں حضرت عیسیٰ کی شاہی لباس لوائی کے پیلاطس صاحب در موڑی کے پہیجھی شوڑیا۔¹² اُسے دیہاڑے اِس گل تون بعد بادشاہ پیرو دیس تے پیلاطس صاحب نی اِک دُوئے نال دوستی ہوئی گئی، حالانکہ اِس تون پہلے اُنہاں وچ دُشمنی سی۔

حضرت عیسیٰ واسطے سزائے موت نا حکم

¹³ فر پیلاطس صاحب، بنی اسرائیلیاں نے بڑے بڈیریاں، بڑے مذہبی پیشواواں تے عام عوام کی بُلایا۔¹⁴ اُس اُنہاں کی آخیا، ”تساں اِس بندے کی مہاڑے کول آندا اے تے آخیا کہ اے لوکاں کی گمراہ کرنا اے۔“ اُنہاں نے سامنے میں اِس نی تحقیقات کیتی اے، پر جیہڑیاں گلاں نا الزام تساں اِس پر پئے لائے او اُنہاں وچوں میں تے کوئی قصور وی اِس وچ نی تکیا اے۔

15 تے ناں ہی بادشاہ ہیرودیس اس وچ کوئی قصور تکیا
 اے۔ اسے واسطے اُس کی آساں کول موڑی کے
 پہیجھی شوڑیا اے۔ اس تے ایٹے جہیا کوئی کم نی کیتا
 جس نی وجہ توں اس کی سزائے موت دتی جائے۔ 16 اس
 واسطے میں اس کی کوڑے مروائی کے چھوڑی دیتا آں۔“
 17 ہن پیلاطس اس گلے اپر مجبور سی کہ ہر واری نی
 طرح عیدِ ربائی اپر بنی اسرائیلیاں نے یک قیدی کی لوکاں
 واسطے رہا کری شوڑے۔ 18 ساریاں لوکاں ملی کے اک
 آواز نال آخیا، ”اس کی ماری شوڑو! برابا کی آساں نی
 خاطر چھوڑی دیو!“ 19 برابا کی کسے بغاوت نی وجہ توں
 جیہڑی شہر وچ ہوئی سی تے قتل نے کیس وچ جیل وچ
 سٹیا گیا سی۔ 20 پیلاطس صاحب چاہتا سی کہ حضرت
 عیسیٰ کی چھوڑی دے۔ اس واسطے اُس لوکاں کی دوئی
 واری پُچھیا۔ 21 پر اُنہاں ساریاں لوکاں چینی چینی کے
 آخیا، ”اس کی سولی اپر چاہڑو! اس کی سولی اپر چاہڑو!“
 22 پیلاطس صاحب تری واری فر اُنہاں کولوں پُچھیا،
 ”پر اس کے جرم کیتا اے؟ میں تے اس وچ ایٹے جہئی

کوئی گل نی تکی جس نی سزا موت ہووے۔ اس واسطے میں اس کی کوڑے مروائی کے چھوڑنا آں۔“
 23 پر او لوک ہور وی چِیخی چِیخی کے حضرت عیسیٰ نے بارے وچ آخُن لغے، ”اس کی سُولی اپر چاہو!“ آخرکار انہاں نی گل منی گئی، 24 تے پِلاطس انہاں لوکاں نی مرضی نے مطابق فیصلہ دیئی شوڑیا۔
 25 اسرح پِلاطس صاحب اُس بندے کی جیہڑا کہ بغاوت تے قتل نے کیس وچ جیل وچ بند ہویا سی، رہا کری شوڑیا تے حضرت عیسیٰ کی انہاں لوکاں نی خواہش نے مطابق موت نی سزا دیئی شوڑی۔

حضرت عیسیٰ نا سُولی اپر چھڑنا

26 جیہڑے ویلے سپاہی حضرت عیسیٰ کی کہنی کے پئے جائے سٹ تے انہاں کی کُرنی نے علاقے نا اک بندہ لہی گیا، جس نا ناں شمعون سی۔ او گراں توں شہرے در پیا اچھٹا سی۔ سپاہیاں اسی پغڑیا تے زبردستی اُس کولوں حضرت عیسیٰ نی سُولی چواہی۔ 27 حضرت

عِیسیٰ نے پچھے پچھے لوکاں نی بہوں بڑی پہیڑ پئی جاٹی سی۔ اُنہاں وچ بہوں ساریاں جناٹیاں وی سن جیہڑیاں اُنہاں واسطے پئیاں روٹیاں تے بین کرنیاں سن۔²⁸ حضرت عِیسیٰ پچھے مڑی کے اُنہاں کی آخیا، ”یروشلم نیئو ماؤ تے پہیٹو! مہاڑے واسطے ناں روؤ، بلکہ اپنے واسطے تے اپنی اولادی واسطے روؤ۔²⁹ کیٹانکہ او ویلا اچھنے آلا اے جدوں لوک آخسن، ’خوش نصیب اُن او جناٹیاں جیہڑیاں بانجھ اُن، جنہاں نی کوئی اولاد نی ہوئی، تے جنہاں کُسے کی اپٹا دُدھ نی پلایا!‘³⁰ اُس ویلے لوک پہاڑاں کی آخسن، ’آساں اپر ٹھی جاؤ!‘ تے پہاڑیاں کی آخسن، ’آساں کی اپنے اندر چھپائی کہنوا!‘³¹ کیٹانکہ اے لوک مہاڑے نال ایٹے جھیا سلوک کرنے اُن جیہڑا کہ اک نیلے بوڑے نی طرح آن، تے تُساں نال او کیٹے جھیا سلوک کرسن جیہڑے بلکل سُکی وی لکڑی نی طرح او؟“³² سپاہیاں دو آدمی ہور وی حضرت عِیسیٰ نال گھڑے سن جیہڑے مُجرم سن، تے اُنہاں کی موت نی سزا نا حُکم ہویا سی۔³³ جیہڑے ویلے او لوک اُس جغہ پُہنچے

جیسی ”کھوپڑی نی جغہ“ آخٹے سن، تے اُنہاں حضرت عیسیٰ کی سُولی اِپر چاہڑیا، تے دواں مُجرماں کی وی اک کی حضرت عیسیٰ نے سَجے پاسے تے دُوئے کی اُنہاں نے کھبے پاسے۔³⁴ حضرت عیسیٰ اللہ تعالیٰ اگے دُعا کیتی، ”اے باپ! اِنہاں کی مُعاف فرما کیئانکہ اِنہاں کی پتہ نی کہ گے پئے کرنے اُن۔“ فر سپاہیاں حضرت عیسیٰ نے کپڑے بندٹے واسطے قرعہ سٹیا۔³⁵ اُتھے بھوں سارے لوک تماشا تکٹے واسطے آسے پاسے گھلتے وے سن۔ بنی اسرائیلی نے بڑے بڈیرے، حضرت عیسیٰ نا مزاح اُدائے سن۔ او آخٹے سن، ”اے ہوراں لوکاں کی بچاٹا ربیا اے، کدے اے سچ مُچ اللہ تعالیٰ نا چُٹیا وا مسیح اے، تے اِٹے آپ کی وی بچائے نا!“³⁶ سپاہی وی حضرت عیسیٰ نال مخول کرنے سن۔ او اُنہاں کول اچھی کے سِرکہ پیش کرنے ویلے آخٹے سن،³⁷ ”کدے تُوں بنی اسرائیلیاں نا بادشاہ این وین، تے اِٹے آپ کی بچا نا!“³⁸ حضرت عیسیٰ

نے سرے کولوں اپر سُولی نال اکِ اِشتہارِ لِخی کے
 تُنگیا وا سی، ”اے بنی اسرائیلیاں نا بادشاہ اے۔“
 39 جیہڑے دو مُجرم حضرت عیسیٰ نال سُولیاں اپر تُنگے
 وے سٹُ اُنہاں وِچوں اِکے حضرت عیسیٰ کی طَعنہ
 دیئی کے آخیا، ”کیئان تُوں اللہ تعالیٰ نا پہیجیا وا مسیح
 نی این؟ اپڑے آپ کی وی بچا! تے آساں کی وی!“
 40 پر دُوئے مُجرم اُس کی جھڑکی کے آخیا، ”تُوں
 اللہ تعالیٰ کولوں وی نی ڈرنا؟ تُکی وی او سزا لبھی
 وی اے جیہڑی اِس کی! 41 آساں کی تے اپڑے
 کیتے وے نی سزا پئی لبھئی اے، پر اِس تے کوئی
 جُرم نی کیتا۔“ 42 فِر اُس آخیا، ”اے عیسیٰ، جدوں
 تُساں بادشاہ بٹی کے اچھو تے مکی وی یاد کریا!“
 43 حضرت عیسیٰ اُسی آخیا، ”میں تہاڑے نال وعدہ کرنا
 اِن کہ آج ہی تُوں مہاڑے نال جَنّت الفِرَدوس وِچ ہوسیں۔“

حضرت عیسیٰ نا شہید ہوٹا

44 تقریباً دوپہر ہوئے نے ویلے سارے ملخے وچ نہیرا ہی نہیرا ہوئی گیا تے ترے گھنٹے تک ٹغا ریا، 45 کیئانکہ سُورج نی لو ختم ہوئی گئی سی۔ فر بڑے عبادت خانے وچ لغیا وا پڑدا پھٹی کے دو ٹوٹے ہوئی گیا، 46 تے اسرح ہویا کہ حضرت عیسیٰ بھوں فریاداں نال آخیا، ”اے باپ، میں اپنی رُوح تہاڑے حوالے کرنا آن!“ اے گل آخنے تون بعد حضرت عیسیٰ اللہ تعالیٰ کی پیارے ہوئی گئے۔

47 جیہڑے ویلے فوجی افسر اے گل تکی تے اُس اللہ تعالیٰ نی تعریف کیتی تے آخیا، ”بیشک اے بندہ برے غناہ سی!“ 48 جیہڑے لوک اُتھے آئے وے سن او سارے اس واقعے کی تکی کے روئے تے پٹھے اپٹے اپٹے گہراں در مڑی کے گئے۔ 49 پر حضرت عیسیٰ نے جائنھے پہچھاننے آلے لوک تے او جناٹیاں جیہڑیاں ریاست گلیل وچوں آیاں ویاں سن، او دُور کھلی کے سب کجھ تکٹے رہے۔

حضرت عیسیٰ نا دفن ہوٹا

50 اُتھے شرعی عدالت نا اک ممبر وی سی جیہڑا بہوں ہی نیک تے ایماندار بندہ سی۔ اُس نا ناں یوسف سی۔ 51 او عدالت نے اِس فیصلے تے عمل نال مُتفق نی سی۔ او بنی اسرائیلیاں نے شہر اَرمَتیہ نا باشندہ سی۔ او وی اُس ویلے نے اِنظارِ وِچ سی جدوں اللہ تعالیٰ نی بادشاہی اچھسی۔ 52 اُس پِلاطس صاحب کول جائی کے حضرت عیسیٰ نی لاش مُبارک منگی۔ 53 اُس حضرت عیسیٰ نی میت کی سُولی اپروں لابی کے اُسی اک قیمتی چُٹے کفن وِچ لپیٹیا۔ فِر اُسی اک ایٹے جھئی قبر وِچ رخیاں جیہڑی پہاڑ کی کھُرچی کے بٹائی گئی سی۔ اُس قبر وِچ اِس تون پہلے کُسے کی وی نی سی دفنایا گیا۔ 54 اُس ویلے جمعے نی شام سی تے ہفتے آلے مُبارک دیہاڑے نا آغاز ہوئے آلا سی۔ 55 او جناٹیاں جیہڑیاں ریاست گلیل تون حضرت عیسیٰ نال آیاں ویاں سن، یوسف نے پچھے پچھے گئیاں تے قبرے کی تکیا، تے حضرت عیسیٰ نے دفنائے نا منظر وی تکیا۔ 56 جیہڑے ویلے او اُپٹے گہراں کی

مُڑی کے گئیاں، اُنہاں مَیّتے کی لائے واسطے مسالے
تے خوشبُودار چیزاں تیار کیتیاں۔ پر ہفتے آلے مُبارک
دیہاڑے نے اِحترام وچ اپنے گہراں وچ ہی آرام کیتا۔

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تُساں نال گل
کرساں، یا تُساں نال دُعا کرساں، یا تُساں نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>